



漢書地理志補注卷六十四

常熟 吳卓信 編纂

朔方郡武帝元朔二年開

詩小雅城彼朔方 史記匈奴傳秦始皇使蒙恬將十萬  
衆北擊胡悉收河南地因爲塞築四十四縣城臨河十餘  
年諸侯畔秦匈奴復稍渡河南與中國界于故塞後冒頓  
南并樓煩白羊河南王悉復收秦所套地 又衛青傳元  
朔二年青出雲中以西至高闕走白羊樓煩王遂以河南  
地爲——郡使蘇建築——城 本書武帝紀元朔二年  
春遣將軍衛青李息出雲中至高闕遂西至符離獲首虜  
數千級收河南地置——五原郡 又主父偃傳偃盛言

——地肥饒外阻河蒙恬築城以逐匈奴內省轉輸戍漕  
 廣中國滅胡之本也上覽其說下公卿議皆言不便公孫  
 宏曰秦時嘗發三十萬衆築北河終不可就已而棄之朱  
 買臣難詘宏遂置——本偃計也 師古曰武帝初置——  
 ——別令刺史監之不在十三州之限 括地志今夏州  
 為秦上郡漢分置—— 方輿紀要夏州城在榆林衛  
 西北二百里東南至綏德州四百里周之——秦上郡地  
 後沒于匈奴漢武帝元朔二年逐匈奴始置—— 大  
 清一統志——本秦河南地漢元朔二年置郡治三封後  
 漢移治臨戎建安末省晉義熙中屬赫連勃勃其後移都  
 統萬——遂廢漢時故城在今鄂爾多斯右翼後旗之地

漢時——南連北地東界五原雲中東南接西河上郡  
 河之北岸為高闕塞至赫連勃勃始于——之南奢延水  
 之北築統萬城元魏于此置夏州隋唐因之號——在  
 今榆靈府西南二百里非漢——故地明統志又以寧夏  
 衛為朔方不知寧夏乃漢北地郡富平縣北境唐之靈州  
 地與漢——無涉也 地理志稽疑——故屬秦九原郡  
 漢初入匈奴武帝元朔二年開別稱——州置刺史監河  
 西諸郡事 按漢——所領十縣惟三封麻渾沃壘三  
 縣在河套外鄂爾多斯右翼後旗界餘皆在河套內  
 西部都尉治麻渾

師古曰麻音庾渾音魂 水經注漢武帝元朔二年開——

一一以窳渾縣爲西部都尉治 集韻朔方有窳渾縣或作窪渾

莽曰溝搜屬并州

地理志稽疑一一至中興後始省入并州而以所監諸郡屬涼州本志以爲元朔卽屬并州誤也楊雄十二州箴已無并州蓋平帝時莽省而中興因之後又省入并州耳廿二史考異按武帝元封五年置十三郡刺史并與朔方各自爲部未嘗屬并州也朔方之屬并乃光武建武十一年事耳上郡亦屬朔方部故馮野王爲上郡太守朔方刺史蕭育奏封事薦之 十七史商榷通典于西漢十三部不數朔方而數司隸據地志敘首雖云置朔方之州如

朔方刺史果亦在員數之內則朔方郡宜專屬之矣今乃云屬并州則知所謂十三郡者實于舊十一州外添交州與司隸爲十三而朔方不數也平當傳坐法在遷朔方刺史師古曰武帝初置朔方郡別令刺史監之不在十三州之隄限是也 秦漢郡縣考按志言北置朔方之州胡廣云分雍州置朔方刺史所謂凡十三部置刺史是也元始四年改爲十二州楊雄十三州箴于并州云雍別朔方此并朔方屬并州實據元始之制

縣十

三封朔方修都臨河呼道窳渾渠搜沃墜廣牧臨戎  
三封

水經注河水又東北逕——縣故城東十三州志曰在臨戎縣西一百三十里 元和志朔方郡理——在今豐州西一百里 寰宇記——故城自漢至今常爲關中根柢 大清一統志——故城在套外黃河西岸今鄂爾多斯右翼後旗正西河外 按漢——縣在黃河西元和志謂夏州長澤縣本漢——地寰宇記續通典並因之非是 武帝元狩三年城

朔方

水經注河水又東南逕——縣故城東北詩所謂城彼——也漢元朔二年大將軍衛青取河南地爲——郡使校尉蘇建築——城卽此城也 通典今夏州——德靜寧

朔三縣並漢——縣地 方輿紀要——廢縣唐夏州治也本漢縣 潛邱劄記武帝置——郡築——城則——郡治——縣矣縣居班志之第二其第一縣爲三封乃元狩三年城也元和志以爲治三封者誤水經注以爲治臨戎則東漢所移治矣 按元和志以唐時什賁故城爲漢——縣而云近在唐——縣理之北不知漢之——在上郡之北與北河相近唐之夏州——縣在今榆林西南本漢上郡地如元和志所言則漢之——在今榆林邊內而上郡轉在——之北矣其說殊誤

金蓮鹽澤青鹽澤皆在南

水經注魏土地記曰——縣有大鹽池其鹽大而有青白

色青者名曰青鹽又名戎鹽入藥分漢置典鹽官鹽池去平城宮千二百里在新秦之中 唐書食貨志安北都護有胡落鹽池歲得鹽萬四千斛給振武天德兩軍 元和志胡落鹽池在宿州長津縣北五百里周回三十里亦謂之獨樂池聲相近也 大清一統志二鹽澤俱在河套內古——城南今在鄂爾多斯右翼後旗西九十里 又云水經注引魏土地記上云縣有大鹽池不分爲二疑當時已合爲一以今考之卽唐長澤縣北五百里之胡洛鹽池今之喀喇莽奈大鹽池也 又云鍋底池在今鄂爾多斯右翼後旗西九十里周回二十餘里產鹽兎河赤沙河二水注入其中卽漢時——縣鹽澤唐時名胡洛鹽池者也今土人名喀喇莽奈腦兒 又云漢時朔方鹽澤有二至後魏時止言一池卽唐長澤縣北五百里之胡洛鹽池今喀喇莽奈大鹽池也但漢時金蓮鹽澤今不可考 水道提綱套中產鹽池以喀喇莽泥爲大卽古朔方郡南金蓮鹽澤及青鹽澤唐時名胡洛鹽池者蒙古以鹽爲達布蘇莽曰武符

修都

臨河

水經注河水自窳渾縣屈而東流爲北河南逕高南又東逕——縣故城北漢武帝元朔二年大將軍衛青絕梓嶺梁北河是也通典今延州延川豐林二縣並漢——縣地

元和志延州延水延川二縣並秦一一縣地秦滅六國使蒙恬北擊匈奴悉收河南地因河爲塞築四十四縣城一一徙謫戍以充之漢因不改故城在今延水縣理北十五里 又云西受降城蓋漢朔方郡一一縣故理處東渡河至豐州八十里 南 定遠城七百里 方輿紀要一城在臨戎城東或曰唐西受降城卽其地 大清一統志一一故城在故朔方城西北按黃河北逕故朔方之西行五百餘里一支分爲二岐東注水經所謂南河也其北河流至套外之阿爾布坦山南迤西溢爲大河土名騰格里腦兒卽右屠申澤也自此屈而東流過古高闕南行二百里許稍東南流又折而西南與南河合水經所謂北河

南屈經河目縣左又南合南河是也始直向東行經古五原之南至大土爾根河入河處始轉向東南行過古東勝州境以地勢測之漢一一縣在北河之南南河之北水經所謂自高闕南而東逕故城北者北河也自臨戎縣北而東逕縣南者南河也 按水經注漢一一縣在北河之南當在今榆林邊外河套內今延安府延川縣北有一一故城當是晉魏時僑置寰宇記謂豐林本晉時一一其後或再置于此是也 又按王子侯表一一侯賢武帝元朔三年以代共王子封索隱以爲卽朔方之一一縣考漢朔方諸郡不以封諸侯當別是一內郡鄉亭之名且朔方以元朔三年開而封卽以三年匆匆封置必無之事也全謝山

謂代共王子皆封西河此或是西河之臨水而傳抄誤耳  
得之矣

莽曰監河

呼道

師古曰道音在由反

窳渾

史記衛青傳都尉韓說從大軍出按本書說文窳

汚窳也朔方有一作真渾縣 徐廣曰窳音庾 方輿紀要

一城在故夏州西北 大清一統志一作故城在今套外

西北黃河北流折東之處

有道西北出雞鹿塞

本書匈奴傳送單于出朔方雞鹿塞師古曰雞鹿塞在朔

方一縣西北 方輿紀要雞鹿在故夏州西北宣帝甘

露三年遣長樂衛尉董忠發邊郡士馬送呼韓邪單于出

朔方雞鹿塞即此

屠申澤在東

水經注河水又北迤西溢于一縣故城東其水積而爲

屠申澤澤東西百二千里闕駟謂之一澤 大清一統

志此澤今在河套外西北黃河自北流折東之處番名騰

格里腦兒東西正長其西有水名哈爾哈納河南流入焉

黃河自澤東溢入又自東北流出 水道提綱古一之

屠申番名騰格里鄂模其池自西南迤而東北周百餘里



莽曰極武

渠搜

揚雄解嘲今大漠左東海右——服虔曰西戎國也應劭曰禹貢析支——屬雍州在金城之西 水經注河水自朔方東轉逕——縣故城北禹貢之所云析支——矣方輿紀要——城在廢夏州北 大清一統志——故城在故朔方城東 胡渭曰傳同叔云陸氏曰漢志朔方郡有——縣武紀云北廢——是也以予考之漢朔方之——非此所謂——此亦當是金城以西之戎也後世種落遷徙故漢有居朔方者若禹時——居朔方則不應浮磧石陸說非也予按水經河水經河水自朔方東轉逕——

北注云禮三朝記曰北發——南撫交趾此以北對南禹貢之所云析支——矣誤始道元而陸氏因之大戴禮漢武紀並有三朝記語——與交趾對舉則不在朔方可知逸周書三會篇曰——以鼬犬孔晁注——西戎之別名涼土異物志曰古——國在大宛北界隋書西域傳曰鑠鑠汗國都蔥嶺之西五百餘里古——國也——之在西域有明證矣 王峻曰武紀元光元年五月北發——晉灼曰地理志朔方郡有——縣臣瓚曰孔子三朝記云北發——南撫交趾此舉北以南爲對也禹貢——在雍州西此——在朔方予按此詔所稱——卽指禹貢及三朝記之——也其地在雍州西北三朝記與交趾對舉者蓋

極言南北之遠若朔方郡之——乃元朔三年所置其地  
近在黃河之南當時特取遠地以名其縣猶上郡之有龜  
茲縣耳酈元注水經誤以朔方之——即禹貢三朝記之  
——臣瓚又謂此爲朔方之——與禹貢之——分爲二  
皆非也

中部都尉治莽曰溝搜

按水經注引此有亭字

沃壑

水經注河水又北有枝渠東出謂之鋼口東逕——縣故  
城南枝渠東注以溉田所謂智通在我矣 元和志——  
故城在今天德軍城北六十里即後魏時六鎮從軍之第

一鎮也 方輿紀要——城在廢夏州西 河套志——

縣土地沃衍水土盡黑功省數倍七月成熟 大清一統

志——故城在套外河水北流一曲之西

武帝元狩三年城有鹽官

河套志——縣有鹽官後魏置——鎮于此又于鹽澤北  
之黑池西置涼城郡今故城猶在焉

莽曰綏武

廣牧

本書五行志平帝元始元年朔方——女子趙春病死六  
日復生 水經注南河自臨河縣南臨戎縣北又東逕——  
——縣故城北逕流二百里許東會于河 元和志豐州九

原縣本漢之——舊地 方輿紀要——城在廢夏州東  
北 大清一統志漢——故城在故朔方城西  
東部都尉治莽曰鹽官

臨戎武帝元朔五年城

水經注河水又北逕——縣故城西 元和志豐州永豐

縣在州西一百六十里本漢——舊地 方輿紀要——

城在今廢夏州西北即高闕塞也 大清一統志——故

城在故朔方城西黃河北流之東岸後漢為朔方郡治

莽曰推武

漢書地理志補注卷六十五

常熟 吳卓信 編纂

五原郡

元和志地有原五所故號五原 通典豐州北至黃河四

十里西至黃河一百三十里自古為戎狄地趙置九原郡

秦因之漢為九原縣——治焉隋開皇五年始置豐州

于此 名勝志自中受降城西北八十里至西受降城即

漢之——也治九原縣隋故為豐州矣 方輿紀要——

——今榆林西北七百餘里廢豐州一帶是其地 大同

府志今府城北四百餘里有七寶山山下有城即漢——

城 按漢——所領十六縣惟河陰一縣在黃河南餘

皆在黃河北並在故九原城左右

### 秦九原郡

史記趙世家武靈王攘地西至雲中九原 又始皇本紀三十五年除道道九原抵雲陽 元和志敬本古城在中受降城北四十里賈耽古今述曰以地理求之前代九原郡城也 地理志稽疑匈奴傳趙有雁門代郡雲中三郡以備胡而九原特雲中北界未置郡也始皇三十五年以前其于邊郡多仍前之舊不聞增設三十三年蒙恬闢河南地四十餘縣蓋以此四十餘縣置九原也何以知之徐廣所謂陽山在河北陰山在河南者劉昭以爲俱屬九原之安陽則九原統屬河南四十四縣可知矣不然不應以

四十四縣之多而不置郡也然則九原不當始皇二十六年所并三十六郡之內

### 武帝元朔二年更名

地理志稽疑五原爲秦九原郡漢初入匈奴武帝元朔二年始與朔方同置非但更名而已朔方五原旣歸中國而後河西關故別爲州

### 東部都尉治稠陽

師古曰稠音固 水經注河水又東逕宜梁縣故城南又東逕稠陽城南東部都尉治也 水經注釋漢志此語在五原郡下而稠陽縣下反無之道元注于臨沃縣下重敘河水又東逕稠陽縣故城南一地而再見豈別是一城耶

殆不可曉矣

莽曰獲降屬并州縣十六

九原固陵五原臨沃文國河陰蒲澤南興武都宜梁曼柏  
成宜稠陽莫黜西安陽河目

九原

水經注河水又東逕——縣故城南秦始皇置——郡治  
此其城南面長河北背連山始皇逐匈奴並河以東屬之  
陰山築亭障爲河上塞徐廣音義曰陰山在五原北卽此  
山也 後書光武紀注——故城在今勝州銀城縣 元  
和志今豐州郭下——縣本漢之廣牧舊地其——縣乃  
唐永徽城卽漢——縣地唐之雲中都督府也 大清一

統志漢——縣爲五原郡治在今大同府大同縣西北黃  
河外 又云——故城在漢朔方之東北雲中之西今套  
北黃河東流處也唐勝州在套內東北——直其西北通  
典以爲在西疑脫北字其北卽陰山又北爲光祿塞西卽  
北假秦漢時號爲絕塞隋唐豐州雖亦名——五原乃漢  
朔方郡地也括地志謂勝州連谷縣本秦九原郡明統志  
謂在陝西神木縣皆誤

莽曰成平

固陵 莽曰固調

五原

水經注九原縣西北接對一城蓋——縣之故城也 方

輿紀要——城在故勝州西舊志云縣有龍游乞地青嶺  
岢嵐橫槽五原漢因以為名 大清一統志——故城在  
故九原城西

莽曰填河亭

臨沃

水經河水又東過——縣南注云河水又東流石水南注  
之 方輿紀要——城在稠陽縣東 大清一統志——  
故城在故九原城東

莽曰振武

文國 莽曰繁聚

河陰

水經注河水又東逕——縣故城北 方輿紀要——城  
在故豐州西南 大清一統志——故城在故九原城東

蒲澤

方輿紀要——廢縣在故豐州東

屬國都尉治

南興

水經注作南興 殿板漢書考證齊召南曰水經注于雲  
中北輿縣曰五原有南興故此加北據此則縣名南興不  
名——也各本俱誤

莽曰南利

武都

寰宇記——縣在銀州界

莽曰桓都

宜梁

水經注河水又東逕——縣故城南關駟曰縣在五原西

南六十里今世謂之石崖城 方輿紀要——城在故豐

州東 大清一統志——故城在故九原城西

曼柏

師古曰曼音萬 後書明帝紀注——縣在今勝州銀城

縣 方輿紀要——城在故勝州西 大清一統志——

故城在黃河北岸

莽曰延柏

成宜

水經注河水又東逕——縣故城南 寰宇記——縣在

銀州界 方輿紀要——城在故豐州界 大清一統志

——故城在故九原城西

中部都尉治原高

水經注作原亭

西部都尉治田辟

水經注河水自西安陽東逕田辟城南又東逕原亭城南

原亭田辟皆縣界之地名 師古曰辟讀曰壁

有鹽官莽曰艾虜

師古曰艾讀曰刈

和陽

史記魏世家惠王十九年築長城塞固陽正義曰按魏築長城自鄭濱洛北達銀州至勝州固陽縣爲塞也 水經注河水又東逕——縣故城南地理志曰自縣北出石門障河水決其西南隅又東南枝津注焉水上承大河于臨沃縣東流七十里北漑田南北二十里注于河 後書和帝紀注——縣故城在今勝州銀城縣界 括地志——漢舊縣也在銀州銀城縣界 寰宇通志——塞在古豐州漢屬五原郡後漢鄧騭出——塞遂至燕然山卽此方輿紀要——城在廢勝州西南 大清一統志——故城在故九原城東北近雲中郡

北出石門障得光祿城又西北得支就城又西北得頭曼城

師古曰曼音莫安反

又西北得虜河城

師古曰虜音呼 括地志作牢河城

又西得宿虜城

史記匈奴傳漢使光祿徐自爲出五原塞數百里遠者千  
勳里築城障列亭至廬胸 本書武帝紀太初三年遣光  
祿勳徐自爲築五原塞外列城西北至廬胸晉灼曰地理  
志從五原——縣北出石門障卽得新築城 水經注石  
門水出石門山地理志曰北出石門障卽此山也西北趣  
光祿城甘露三年呼韓邪單于還詔遣長樂衛尉高昌侯



董忠車騎都尉韓昌等將萬六千騎送單于居幕南保光祿徐自爲所築城也故城得其名矣 師古曰漢制每塞要處別築爲城置人鎮守謂之侯城此卽障也 方輿紀要光祿塞在廢勝州西北亦名光祿城宣帝甘露三年單于入朝歸國自請願居幕南光祿塞下卽此

莽曰固陰

莫黜

說文黜白而有黑也从黑且聲五原有——縣 如淳曰黜音切怛之怛 玉篇黜多達切 師古曰黜音丁葛反

西安陽

續志縣北有陰山 水經注河水經朔方縣東北屈南過

五原——縣故城南 後書蔡邕傳注——故城在

今勝州銀城縣 方輿紀要——城在故豐州東北

大清一統志——故城在故九原城西陰山南 何氏

讀書記汝南有安陽故此加西代郡加東也

莽曰鄣安

河曰

水經注河水自臨河縣東逕陽山南南屈逕——縣在北假中自高闕以東夾山帶河陽山以西皆北假也史記秦使蒙恬將十萬衆北擊胡渡河高闕據陽山北假中是也 史記正義括地志云漢五原郡故城在北假中北假在

河北今屬勝州銀城縣漢書王莽傳云五原北假膏壤殖

穀 方輿紀要——城在廢豐州東北假戍在廢豐州西  
北 大清一統志——故城在故九原城西當在陽山南  
高闕東南北河之間

漢書地理志補注卷六十六

雲中郡秦置

常熟 吳卓信 編纂

戰國策蘇秦說燕文侯曰西有——九原 史記趙世家  
武靈王二十六年攘地北至燕代西至——九原 又匈  
奴傳趙武靈王北破林胡樓煩自代並陰山下至高闕爲  
塞置——雁門代郡本書高帝紀十一年冬始以代之——  
——以西爲———— 水經注白渠水又西南逕——故城  
南故趙地也虞氏記云趙武侯自五原河曲築長城東至  
陰山又于河西造大城一箱崩不就乃改卜陰山河曲而  
禱焉畫見羣鵠遊于——徘徊經日見火光在其下武侯

曰此爲我乎乃卽于其處築城今——城是也秦始皇十三年立——元和志——故城在勝州榆林縣東北四十七里趙——城秦——也 冀州圖——城周六十里北去陰山八十里南去漢長城百里 方輿紀要——秦郡今陝西榆林鎮東北四百餘里廢勝州一帶是其地 大清一統志古——在陰山之南黃河自西來折南流之處卽今歸化城以西托克托城地漢時——治——縣定襄郡治成樂縣西地東西相距止八十里初不相混也後漢始以成樂定襄等縣屬——及後魏初都盛樂號——于是定襄有——之名至隋以——置定襄郡大利縣而——有定襄之名然相去不遠雖互相更易

猶近故地自唐以馬邑郡雲內之恒安鎮置雲州——

及——縣又于忻州置定襄郡定襄縣于是——定襄之

名移于古雁門太原二郡去故地始遠今謂大同爲——

又太原府有定襄縣皆唐以後所名非漢時舊郡也 地

理志稽疑——故趙置秦始皇因之楚漢之際屬趙國

等分屬代國高帝三年屬漢四年復以屬趙國六年屬代

國十一年以邊郡收 漢書考異班志首云漢興承秦制

度故述郡名斷自秦始如——代郡上谷魚陽右北平遼

西遼東諸郡以匈奴傳考之乃燕趙所置也而志皆云奉

置蓋以秦之三十六郡爲斷非與彼傳相矛盾也 按漢

——所領十一縣並在今歸化城西托克托城地及鄂

爾多斯左翼後旗界

莽曰受降屬并州縣十一

雲中咸陽陶林楨陵犢和沙陵原陽沙南北與武泉陽壽雲中

通典今雲州所理——縣漢舊縣有單于臺在今縣西北百餘里即漢武所登 寰宇記——故城在榆林縣東北四十里 方輿紀要——故城在今大同府西北四百餘里 大清一統志——故城在今托克托城地 又云秦漢所置雲中郡及縣俱在今大同府西北塞外今代州崞縣西南有——故城乃後漢建安中移置非故縣也 莽曰遠服

咸陽

水經注大河東逕——縣故城南河水屈而流白渠水注之 大清一統志——故城在今托克托城地

莽曰賁武

陶林

方輿紀要——城在今大同府北 大清一統志——故城在今朔平府在雲縣西北塞外歸化城界內

東部都尉治

楨陵

水經注縣在緣胡山南北去雲中城一百二十里 寰宇記——城在今廢勝州榆林縣西北 方輿紀要——城

在今大同府朔州西北 大清一統志——故城在今托克托城地與沙南縣隔河相對即遼金東勝州地也

緣胡山在西北

水經注河水南入——縣西北緣胡山歷沙南縣東北兩

山二縣之間南出縣南六十許里有東西大山山西枕河

河水南流 大清一統志緣胡山在今歸化城西黃河東

岸

西部都尉治莽曰楨陸

犢和

沙陵

水經河水又東過沙南縣北從縣東屈南道——縣西

水經注白梁水又西北逕——縣故城南西注——河

又云荒干水又西南注——湖湖水西南入于河 又云

灑水又東逕——南魏金田之地也 方輿紀要——城

在今大同府朔州西北 大清一統志——故城在今托

克托城地其地有——湖近今黑河入黃河處 水道提

綱——湖今日黛山湖在黃河自西來折南之處黑河至

此乃滙湖而入黃河也

莽曰希恩

原藪

戰國策趙武靈王破——以為騎邑 水經注荒于水又

南逕——縣故城西又西南與武泉水合 方輿紀要——

一城在今大同府西北境故趙邑也 大清一統志一一  
故城在今歸化城西

沙南

水經河水又東逕一一縣北 通典今勝州榆林河濱二  
縣並漢一一縣地 大清一統志一一故城蓋在河套內  
黃河東流屈河南之處今鄂爾多斯左翼後旗地隋置勝  
州于此元和志榆林河濱二縣本漢一一縣是也漢雲中  
地惟一一一在河南餘皆在河東

北輿

水經注武泉水南流又西屈逕一一縣故城南按地理志  
五原有南輿縣故此加北十三州志曰廣陵有輿故此加

北疑太疏遠也 方輿紀要一一城在今大同府西 大

清一統志一一故城在今歸化城西其地當在古雲中城

北武泉縣南

中部都尉治

武泉

史記絳侯世家從高帝擊韓王信于代破胡騎于一一北

又灌嬰傳破胡騎于一一北 本書景帝紀匈奴入雁

門至一一 水經荒于水又西南與一一水合一一水出

一一縣故城南西 括地志一一故城在朔州北二百二

十里 史記正義一一在朔州善陽縣界 方輿紀要一

一城在今大同府西 大清一統志一一故城在今朔平

府右玉縣西北塞外歸化城西泉

莽曰順泉

陽壽

隋書地理志金河縣初曰——蓋相近故取名也 大清

一統志——故城在今歸化城界內

莽曰長得

漢書地理志補注卷六十七

常熟 吳卓信 編纂

定襄郡

後書光武紀注——故城在今勝州界 括地志——

故城在朔州善陽縣北三百八十里 方輿紀要——城

在今朔州北三百八十里漢置——于此北魏之雲中

郡也 大清一統志漢——城在今朔平府北塞外至

大同縣西北二十八里之——故城乃唐初所置之——

縣非漢郡城也 按漢——所領十二縣並在今歸化

城左右

高帝置

水經注——漢高帝六年置 地理志稽疑——故屬秦太原雁門二郡高帝六年分置屬代國景帝後以邊郡收

莽曰得降屬并州縣十二

成樂桐過都武武進襄陰武皋駱定陶武城武要定襄復陸

成樂

水經注白渠水西北逕——城北魏土地記曰雲中城東八十里有——城今雲中郡治一名石盧城也 寰宇記唐時振武軍舊為單于大都護府即漢定襄郡之——縣也在陰山之陽黃河之北後魏所都盛樂縣是也 胡三

省通鑑注按盛樂前漢作——屬定襄後漢作盛樂屬雲中疑定襄之——即雲中之盛樂也然魏書什翼犍三年移都于雲中之盛樂明年築盛樂于故城南八里則已非後漢之盛樂疑定襄之盛樂乃前漢之——雲中之盛樂乃後漢之故城也蓋建武之初匈奴侵擾民悉內徙其後掃地更為必有非其故處者 方輿紀要盛樂城在今大同府西北三百餘里 大清一統志盛樂故城在今殺虎口北歸化城南漢置——縣為定襄郡治後漢建武十年省移定襄郡治善無以縣屬雲中郡漢末廢後魏之初建都于此曰盛樂城

桐過



水經河水南入楨陵縣西北又南過赤城東又南過定襄  
 一一縣西注云河水于二縣之間濟有君子之名 師古  
 曰過音工禾反 方輿紀要一一城在今朔州西寰宇記  
 引冀州圖云在雲中郡西五十里者誤 大清一統志唐  
 會昌中所置宣德縣本漢一一縣北在今朔平府右玉縣  
 東北塞外歸化城西南濱河

莽曰倚桐

都武莽曰通德

武進

寰宇記一一故城在今雲中城東一百四十里 方輿紀  
 要一一城在今大同府西北塞外 大清一統志一一故

城在故成樂城東南

白渠水出塞外西至沙陵

屬雲中郡

入河

水經河水屈南過沙陵縣西白渠水注之注云白渠水出  
 塞外西逕定襄一一縣故城北 一統志稿按古荒干水  
 在北白渠水在南並歷定襄雲中二縣會沙陵湖漢書白  
 渠荒干並言水經言白渠而不言荒干注言荒干合受諸  
 水又似大于白渠以今考之白渠水西流即今土爾根河  
 也荒干水西南流即今土爾根河所合北來之諸水也其  
 入河之處滙成一湖即古沙陵湖也隋唐始有金河之名

近代黑河之外又有菱角湖豐州灘等紛紛異名實一水耳明統志分黑河金河為二亦誤也

西部都尉治莽曰伐蠻

襄陰

武臯

方輿紀要——城在今大同府西北境 大清一統志——

——故城在今歸化城東北

荒干水出塞外西至沙陵

屬雲中郡

入河

水經注荒干水出鐘塞外南逕中山山卿陰山也其水西

南流逕——縣 水道提綱黑河即今白渠荒干水亦曰

金河番名大土爾根河源出殺虎口外鑲藍旗察哈爾東

北七十里海拉蘇台城名喀喇烏蘇西北流合諸水又西

流至歸化城南有巴哈土爾根河即小黑河也自東北來

會又西流有諸水合而來會又西南流至黃河自西來折

南之處滙為黛山湖又西入黃河

中部都尉治莽曰永武

駱

胡三省通鑑注後魏永興三年詔尉古真鎮太洛城即漢

——縣也 方輿紀要——城在今大同府朔州北俗謂之大

——城即北魏時所稱太洛城也 一統志駱縣故城在今

朔平府魯縣西北塞外歸化城界內

莽曰遮要

定陶 莽曰迎符

武城

水經注太羅水逕——縣故城南十三州志曰——縣在善無縣西一百五十里北俗謂之太羅城水亦籍稱焉

方輿紀要——城在今大同府西北 一統志——故城在今朔平府平魯縣西北塞外歸化城西南

莽曰桓就

武要

方輿紀要——城在今大同府北 一統志——故城在

今朔平府右玉縣北塞外歸化城界內 按後魏書太祖

紀天賜三年西登——北原觀九十九泉卽此

東部都尉治莽曰厭胡

師古曰厭音一葉反其下並同

定襄

一統志——故城在今歸化縣城東明統志謂在大同府西北二十八里乃唐時——非漢之——也

莽曰著武

復陸

師古曰復音服

莽曰闡武

漢書地理志補注卷六十八

常熟 吳卓信 編纂

雁門郡

爾雅釋地北陵西隄——是也郭注——即——山也

北山經——之山無草木郭注——山即北陵西隄雁之

所出因以名云在高柳北 穆天子傳天子乃絕隄之關

郭注即爾雅北陵西隄山也 史記趙世家蘇厲曰反陸

山先俞于趙徐廣曰爾雅云西隄——是也正義曰西先

聲相近蓋陸山西隄二山之地並在代州——縣皆趙地

也 鄭樵爾雅注西隄即——也——山在今代州 方

輿紀要——今大同府代州以北及應州渾源州朔州

皆是其地——山在州西北三十五里與句注山岡隴相  
接一統志——故句注亦兼——之稱一名——塞——  
山在今代州西北 按漢————今山西朔平府之右玉  
左雲平魯三縣及朔州大同府之大同山陰二縣及渾源  
州應州寧武府之雁門關暨鑲藍旗察哈爾界中皆其地  
秦置

全祖望曰——故趙置始皇十九年因之楚漢之際屬  
趙國尋分屬代國高帝三年屬漢四年仍屬趙國六年屬  
代國景帝後以邊郡收 按————本趙置秦漢因之漢  
末大亂其地荒廢魏黃初中移郡南度句注置故魏志牽  
招傳云郡治廣武也

句注山在陰館

史記蘇秦傳蘇厲為齊遺趙王書曰踰句注斬常山而守  
之三百里而通于燕 又夏侯嬰傳以太僕從擊胡騎句  
注北大破之 又匈奴傳趙武靈王置————李牧常居  
代句注備匈奴 本書文帝紀六年冬以故楚相蘇意為  
將軍屯句注應劭曰山險名也在——陰館 劉劭趙都  
賦其近則有天井句注飛狐太行堆錯磔碣屬阜連岡  
郡縣志晉咸寧元年句注碑曰蓋北方之險有盧盧龍飛  
狐句注為之首天下之阻所以分別內外也

莽曰填狄屬并州縣十四

善無沃陽繁峙中陵陰館樓煩武州涅陶劇陽崞平城埽

馬邑疆陰

善無

水經注中陵水又西北流逕——縣故城西十三州志曰  
 舊定襄郡治地理志曰雁門郡治 續通典秦始皇十三  
 年移樓煩縣于——縣縣蓋秦所置後漢建安中廢 方  
 輿紀要——城在代州西北七十里漢為雁門郡治後漢  
 為定襄郡治 一統志——故城在今朔平府右玉縣南  
 莽曰陰館

沃陽

水經注中陵水又北分為二水一水東北流謂之沃水又  
 東逕——縣故城南北俗謂之可不泥城又東北逕——

城東又東合可不泥水 方輿紀要——廢縣在今大同  
 府應州西南 一統志——故城在今朔平府左雲縣西  
 北塞外鑲藍旗察哈爾界中

鹽澤在東長丞

水經注沃水又東北流注鹽池地理志曰鹽澤在東北者  
 也今鹽池西南去——縣故城六十五里池水激淳淵而  
 不流東西三十里南北二十里池北十里即涼城郡治池  
 西有舊城俗謂之涼城郡取名焉地理志曰澤有長丞此  
 城即長城丞所治也 金史地理志大同府產煎鹽塆鹽  
 大同縣有鹽塆渾源州產鹽 一統志鹽池在今朔平府  
 左雲縣東北邊牆外鑲藍旗察哈爾界中

西部都尉治

水經注參合縣西去一一縣故城二十里縣北十里有都

尉城地理志曰一一縣西部都尉治者也北俗謂之阿口

城莽

莽曰敬陽

繁峙

師古曰峙音止 水經注崞川水北流逕一一縣故城東

城在崞山之北 一統志一一故城在今大同府渾源州

西今代州之一一縣乃後魏所移置非漢縣也

莽曰當要

中陵

水經注一一水出一一縣而南山下北俗謂之大浴山其

水亦取名焉東北流逕一一縣故城東北俗山其水亦突

城十三州志曰善無縣南七十五里有一一縣世祖建武

三十五年置 一統志一一故城在今朔平府平魯縣北

又云兔毛河出平魯縣南繞流府城西分爲二一東流

入左雲縣西北一北流出口外入烏藍木楞河即古一一

川水也 水道提綱烏藍木榆河上源曰兔毛河源出平

魯縣西南北流至殺虎口西出邊折而西流有諸河來會

循邊城而西入黃河即古一一樹禿二水也 水經注釋

按十三州志謂一一爲武建中置據班志已有一一縣不

應置自光武也郡國志云定襄郡一一故屬雁門以言改

隸則可耳

莽曰遮害

陰館

魏書地形志原平縣有——城 寰宇記——城今名下

館城在今朔州鄯陽縣 寰宇通志應州在大同府城南

一百二十里秦漢皆為——縣 方輿紀要——城在代

州北四十里後漢為雁門郡治 大清一統志——廢縣

在今朔州府朔州東南舊志云在東南八十里 按宋書

州郡志云——前漢作陰觀後漢晉作——今前書亦作

——蓋淺人所改也

故樓煩鄉景帝後三年置

樓煩詳見下

累頭山

師古曰累音力追反 寰宇記累頭山在雁門縣西北六

十里卽句注陸西北三十五里山也 金史地理志馬邑

縣有洪濤山 方輿紀要洪濤山在今朔州馬邑縣西北

十五里古名累頭山灤水出焉卽桑乾河源矣隋志云累

頭山在代州雁門縣蓋山與代州卽境也 大清一統志

累頭山在今代州西北州志云山有七峯如斗形一名北

斗山一名牛斗山下有白龍池在州西北八十里卽接朔

平府朔州界

治水所出



師古曰治音弋之反燕刺王傳作台字 本書燕刺王傳使人祠葭水台水即治水也晉灼曰台水在雁門師古台音怡 說文灤水出雁門——累頭出東入海从水累聲一曰治水也水經灤水出雁門陰館縣東北過代郡桑乾縣南又東過涿鹿縣北又東南出山過廣陽薊縣北又東至漁陽雍奴縣西入笥溝 水經注灤水出于累頭山一曰治水泉發于山側沿坡歷間東北流出山逕——縣故城西縣故樓煩鄉也又東北流左會桑乾水 王瓊漕河圖志桑乾河至蘆溝橋東南流經固安縣楊先務又逕霸州苑家口合灰河渾源川崞川胡良河琉璃河廣陽河鹽河至武縣丁字沽凡四百餘里入白河 今水經桑

乾河源出大同府馬邑縣西北十里洪濤山下與金龍池水合東流過渾源州北逕宣府保安州新城西南四十里洋河東南流來注之又京入宛平縣境爲蘆溝河至看丹口分爲二派其一東流出通州高麗莊入白河其一南流逕固安至武清小直沽入于衛河 方輿紀要桑乾河源出山西馬邑縣西北十五里洪濤山東流逕大同府南山陰縣應州渾源州之北又東流逕廣靈縣及蔚州北境入直北保安州界逕州西南出山口順天府西南曰蘆溝河俗呼曰小黃河以其流濁而易淤也亦謂之渾河出蘆溝橋下東南流分二派一東流至通州南張家灣合白河一南流逕良鄉縣東固安縣西爲拒馬河與霸州界河合東

流逕永清縣又東安縣南至武清縣小直沽達于海 大清一統志桑乾河源出山西朔平府馬邑縣西北流逕縣南又東入大同府山陰縣界又東北流逕應州界又東北流逕大同縣東南五十里又東流入陽高縣界又東流入天鎮縣界又東流入直隸宣化府懷安縣界東逕西寧縣南蔚州北又東逕宣化縣南界又東逕保安州南與洋河會又東南入順天府宛平縣界卽古濕水也逕縣西南又東南逕良鄉縣界又南經固安縣北又東南逕永清縣東北東安縣西又東南逕霸州東北合玉帶河古名濕水又名清泉河亦名盧溝河俗名澤河今名永定河 皇朝通志永定河卽桑朝河古曰涇水亦曰渾河康熙二十七年

賜名永定河源出山西朔平府馬邑縣西北東南流有灰河自朔州來會東北流逕山陰縣北又東北逕應州北有渾河自渾源州逕應州來會又東北經大同府南有武州川自左衛西南衛河自大同北邊合而來會又東北逕渾源州陽高天鎮廣靈蔚州境入直隸界經懷安縣南又東北逕保安州南又東北有東洋河合西洋河清水河經宣化府西南保安州東北來會逕懷來縣有媯河自延慶州來會東南流入邊城經昌平州及宛平縣西境出蘆橋下又東南逕良鄉縣東固安縣北又東南逕永清縣北霸州東北東安縣南玉帶河自西南來會 過三角淀經武清縣東子牙河自南來會又東至西沽南白河自北來會又

東南運河自西南來會所謂丁字沽也東流經天津府北至大沽北入于海 水道提綱桑乾河古曰治水亦曰濕水亦曰灤水今名永定河源出山西朔州馬邑縣西北洪濤山俗曰洪濤泉卽古累頭山也七泉湧起東南流會諸水又東北經大同府南渾源州北陽高天鎮兩縣南廣靈縣蔚州北入直隸界經西寧縣南懷安縣南北安州南又東北有東洋河合清水河來會又東南逕懷來縣入邊城行山中經昌平州及宛平縣西境又東南出盧溝橋下經良鄉縣東固安縣北永清縣北霸州東北東安縣南有諸水來會又東流經天津府城北至大沽北入于海 趙一清曰水經灤俗作濕水誤也通鑑晉愍帝建興元年代公

又作新平城于灤水之陽胡注云地理志右北平俊靡縣灤水南至無終東入庚師古曰灤力水反又卽賄反水經注庚水與鮑邱水合俊靡在東與平城相去正遠新平城不在此灤水之陽也據晉書地道記武帝西如馬邑觀灤源則灤水蓋出于馬邑而東北流經平城之南也道元魏人其注水經敘代都之事宜詳初不言平城有灤水但言灤水逕平城南耳班志雁門陰館累頭山治水所出師古曰累音力追反治音弋之反竊謂水出累頭山疑當時亦有累水之名師古音從平聲音相近也意道元所謂濕水卽灤水也丁度集韻灤灤灤三字同注云水出雁門則亦有見于此矣灤類篇音魯水反蓋梅磻旣不知灤水之非

灑水又不識濕字之義宜其輾轉支離而不可通也說文灑水出雁門陰館灑水出右北平俊靡其言與漢志合可知水經是灑水非灑水也而丁度以爲灑灑同出雁門是爲悠謬也至于濕本濟濕之濕音他合反說文作濕隸改爲田又省一系作潔而濕字反相沿作燥溼之溼矣灑水導源累頭山故集韵云又同出潔灑字也源爲灑之省文然已混于濟潔之潔矣宜別白之

東至泉州

屬漁陽郡

入海過郡六

錢坫曰過雁門代上谷廣陽漁陽五郡六字疑誤

行一千一百里莽曰富代

按水經注作富減

樓煩

逸周書王會解——以星施孔晁注——北戎地 戰國

策趙武靈王越黃花嶺取——又蘇秦說齊閔王曰齊

燕戰于恒之曲燕不勝十萬之眾盡胡人襲燕——數縣

取其牛馬 史記趙世家武靈王破林胡——築高闕塞

又周勃世家還攻——三城 又灌嬰傳別降——以

北大縣 本書高帝紀七年冬十月上自將擊韓王信乘

勝逐北至——酷吏尹賞傳以郡吏察廉爲——長

應劭曰故——胡城地 張晏曰——胡國名 李奇曰

一一縣名其人善騎射故漢名士爲一一取其稱也

一統志漢一一縣在今寧武府界雁門關北至忻州靖樂

縣南有一一故城乃唐所置之縣代州崞縣東亦有一一

故城乃晉所徙之縣皆非漢縣也 按史記趙世家武靈

王行新地逐出代西過一一王于西河而致其兵言致其

人而用之也是以楚漢之際多用一一人別爲一軍功臣

侯表陽都侯丁復以趙將從起鄴至霸上爲一一將而項

羽本紀漢有善騎射者一一則漢有一一之兵矣灌嬰傳

擊破栢公武王斬一一將五人攻龍且生得樓煩將十人

擊項籍軍陳下斬一一將二人攻黥布別將于相斬一一

將三人又功臣表平定侯齊受以驍騎都尉擊項籍得一一

一將則項王及黥布亦各有一一之兵矣李奇曰一一縣

名其人善騎射故漢名爲射士一一取其美稱未必卽一

一人也

有鹽官

武州

水經注作武周 本書匈奴傳元光三年六月單于將十

萬騎穿一一塞 魏土地記平城西二十里爲一一塞口

劉昭曰武帝誘匈奴入一一塞 崔浩曰今平城直西百

里有一一城 水經注如渾水又南與武周川水會武周

川水出縣西南山下流逕武周縣故城西 通典武州塞

在今朔州善陽縣 方輿紀要一一城在今朔州西一百

五十里南去岢嵐州一百十里戰國時趙之——塞也——  
 一山在大同府西二十里——川水所逕也 山西通志  
 一一山在今大同縣西二十里高二里盤踞三十里北達  
 雷公山一峯下有泉即——川水源也——川出山之西  
 白羊山溪谷中東南合如渾水 大清一統志——故城  
 在今朔平府左雲縣南今代州亦有——城乃後魏所直  
 非漢縣也 水道提綱武州川西出左衛之西南山東北  
 流逕衛北又東又折而東南流與北來之衛河合又東南  
 入桑乾河

莽曰桓州

按水經注作桓周

滎陶

續志作汪陶或作汪陶 孟康滎音汪 宋祁曰景本作  
 汪音枉 水經注夏屋水出夏屋山東溪西北流入桑乾  
 河枝水又東流結為南池池北對——縣故城南故曰南  
 池也 方輿紀要——廢縣在今大同府應州西 大清  
 一統志——故城在今大同府山陰縣東

劇陽

水經注崞川水又北逕——縣故城西十三州志曰——  
 在陰館縣東北一百二里其水又東注于灤水 一統志  
 ——故城在今大同府應州西北

莽曰善陽

崞

說文一山在雁門 孟康曰音郭 水經注崞川水南出  
 一山縣南縣南面元岳右背一山處二山之中故王莽以  
 一張為名其水又西出山謂之一口 集韻崞隸作崞或  
 作崞 元和志今代州一縣本漢一縣因山為名 通鑑  
 地理通釋一山即五臺山在代州五臺縣東北一百四十  
 里道經以為紫府山內經以為清涼山 方輿紀要一山  
 在一縣西南四十里漢以此山名縣 山西通志故一縣  
 在今渾源州西二十里橫山左側遺墟尚存一川水源出  
 渾源州東北二十里流逕州西南十五里古一縣麻家莊  
 一統志一縣故城在今大同府渾源州西一山在州西

北二十里

莽曰崞張

平城

史記高祖紀七年自往擊韓王信至一一 又周勃世家  
 擊胡騎一一下所將卒當施道為多 又夏侯嬰傳以太  
 僕擊胡騎一一南三陷陳又韓王信傳上遂至一一出白  
 登匈奴圍上 本書匈奴傳高帝先至一一步兵未盡到  
 冒頓縱精兵三十餘萬騎圍帝于白登七日 服虔曰白  
 登臺名去一一七里 如淳曰白登一一旁之高地若印  
 陵者也 水經注如渾水又南屈逕一一縣故城南 史  
 記音義曰一一在雁門即此縣矣城東十七里有臺臺對

南岡阜卽白登山也 師古曰白登在——東南山上去  
——十餘里今其處猶存 後書光武紀注——今雲州  
定襄縣也 史記索隱姚氏按北疆記桑乾河北有白登  
山冒頓圍漢高之所今猶有壘壁 史記正義白登臺在  
白登山朔州定襄縣東三十里定襄縣漢——縣也  
元和志今雲州雲中縣本漢雁門郡之——縣 寰宇記  
今雲州雲中縣本漢——縣冀州圖云古——南白登臺  
南三里 又云善陽嶺在振武軍金河縣北一百四十里  
秦長城枕之漢書謂高祖困于——卽善陽嶺也 又云  
白登臺在今雲中縣東北三十里 金史地理志遼州遼  
山縣有——鎮舊縣也 方輿紀要白登山在大同府東

七里上有白登臺 一統志——故城在今大同府大同  
縣東五里白登臺在高陽縣南今爲白登府 按漢之——  
縣卽元魏之所都今大同府附郭大同縣是也魏書天  
興元年定都——二年增啓京師十二門至孝文遷都洛  
陽改爲司州牧明統志謂漢——故城在今縣東五里其  
外郭乃西魏時所築據魏書太宗紀太常八年築——外  
郭周三十二里而云西魏所築謬矣

### 東部都尉治

大清一統志大同府漢爲雁門郡東部都尉建安中廢爲  
新興路

莽曰平順



塙 莽曰填狄亭

馬邑

史記韓王信傳六年春徙韓王信王太原都晉陽信上書曰國被遼匈奴數入請治馬邑上許之秋匈奴圍信信遂以一一降胡 本書高帝紀十一年冬太尉周勃道太原入定代地至一一 又武帝紀元光二年夏六月韓安國李廣公孫賀王恢李息將三十萬衆屯一一谷中誘致單于欲襲擊之單于覺之走出 太康三年地記秦時建此城輒崩不成有馬周旋馳走反覆父老異之因依以築城遂名為一一 水經注一一川水出一一西川俗謂之磨川蓋狄語音譌馬磨聲相近故耳其水東逕一一縣故城

南蓋漢舊縣也

後書安帝紀注一一故城今朔州也

元和志今朔州鄯陽一一二縣並漢一一縣地 方輿紀

要一一本秦縣漢一一故城在朔州東北 一統志一一

故城即今朔平府朔州治 舊志曰古城在州城外西北

隅

莽曰章昭

疆陰

一統注一一故城在今大同府大同縣西北塞外

諸聞澤在東北

一統志諸聞澤或曰即旋鴻池或曰即威寧海

莽曰伏陰



同三十五丈爲九門故城處呼之以爲東城 水經注梅福上事曰代谷者恒山在其南北塞在其北谷中之地上谷在東代郡在西是其地也 名勝志周宣帝始置蔚州古代郡也 日知錄春秋時代尙未通中國趙襄子乃言從常山上臨代代可取也正義曰地道記云恒山在上曲陽縣西北一百四十里北行四百五十里得恒山岌號飛狐口北則代郡也水經注引梅福上事云云此則今之蔚州乃古代國項羽徙趙王歇爲代王歇更立陳餘爲代王漢高帝立兄劉仲爲代王皆此地也十年陳豨反十一年破豨立子恒爲代王都晉陽則今之太原縣矣孝文紀則云都中都而文帝過太原復晉陽中都民二歲又立子武

爲代王都中都則今之平遙縣又按衛綰代大陵人大陵今在文水縣北而屬代代都中都故也代凡三遷而皆非今代州今代州之名自隋始 方輿紀要代郡秦郡也今大同府北及蔚州之境 大清一統志代郡地俱屬山西惟治所在今直隸蔚州 地理志稽疑代郡故代國後入趙置代郡始皇二十五年因之楚漢之際屬趙國尋爲代國高帝三年屬漢六年仍爲代國武帝元鼎三年復故按漢一一今直隸宣化府之西寧懷安二縣及蔚州易州之廣昌縣又山西大同府之大同陽高天鎮廣靈靈邱五縣代州之繁峙縣暨正黃旗鑲藍旗察哈爾界中莽曰厭狄有五原關

本書成帝紀陽朔二年關東大水流民欲口五阮關 說  
文阮代郡五阮關也从官元聲 方輿紀要紫荆關在今  
直隸保定府易州西八十里山西蔚州廣昌縣東北一百  
里路通宣府大同山谷崎嶇易于控扼或曰即古之五阮  
關也 按五原成紀作五阮如淳音近捲反師古音其遠  
反說文廣韻亦並作阮蓋即原音之轉耳

常山關

寰宇通志倒馬故關在保定府唐縣西北漢置名常山關  
方輿紀要倒馬關在今直隸真定府定州西北二百二  
十二里山西蔚州廣昌縣南七十里即戰國時趙之鴻上  
塞也徐廣曰亦名鴻上關酈道元以為鴻山關漢時亦名

常山關 大清一統志倒馬關在今保定府唐縣西北一  
百五十里 方輿紀要以漢之常山關為即今倒馬關據  
劉昭續志注補引博物記漢關在中人亭西北百里計其  
道里亦即今倒馬關也

屬幽州縣十八

桑乾道人當城高柳馬城班氏延陵狝氏且如平邑陽原  
東安陽叁合平舒代靈邱廣昌鹵城

桑乾

孟康曰乾音干 裴氏三國志注——縣今北虜居之號  
為索干之都 水經注灤水又東北逕——縣故城西又  
屈逕其城北魏土地記曰代城北九十里有一城 方

輿紀要——城在今大同府東北一百五十里 大清一統志——故城在今宣化府蔚州東北

莽曰安德

道人

水經注灤水又東逕——縣故城南地理風俗記曰初築此城有仙人遊其地故名城北有淵潭而不注故俗謂之平湖十三州志曰——城在高柳東北八十里所未詳也

方輿紀要——城在今蔚州靈邱縣北 大清一統志

——故城在今大同府陽高縣東南

莽曰道仁

當城

本書高帝紀十二年周勃定代斬陳豨于—— 水經注

連水又北逕——縣故城西應劭曰當桓都山作故城曰

——也十三州志曰——在高柳東十八里 括地志——

——在朔州定襄縣界縣當常山故曰—— 方輿紀要——

——在大同府東南 大清一統志——故城在今宣化府

蔚州東

高柳

本書五行志景帝中三年中尉魏不害將車騎材官士屯

—— 水經注雁門水出雁門山東南流逕——故縣城

北城在平城東南六十七里于代為西北 後書光武紀

注——故城今雲州定襄縣 通典今雲中縣有故——

城 寰宇記入塞圖云平城直東二百二十里至——城  
又東一百八十里至代郡城 方輿紀要——城在大同  
一府東南九十里 大清一統志——故城在今大同府陽  
高縣西北

西部都尉治

馬城

水經注修水又東南逕——縣故城北十三州志曰——  
在高柳東二百日十里俗謂是水為阿頭阿頭出戎方土  
俗變名耳 後書耿弇傳注——故城在今雲州定襄縣  
秦始皇初築城輒崩壞其後有馬周章馳走因隨馬跡起  
城故以名焉 在輿紀要——在今大同府東北境

大清一統志——故城在今宣化府懷安縣北

東部都尉治

班氏

水經注灤水又東逕——縣南如渾水注之如渾水南流  
逕——縣故城東十三州志曰——縣在郡西南百里北  
俗謂之去流域其水又東南流注于灤水 寰宇記——  
故城郡國志云俗名去留城今廢城存 方輿紀要——  
城在今大同府渾源州西北 大清一統志——故城在  
今大同府大同縣東南

秦地圖書班氏

十七史商榷考秦地圖各郡國下皆無獨見于此敘傳自

述其先班壹當秦始皇之末避地于樓煩以財雄邊樓煩雁門屬縣而代郡與雁門相連疑縣名因此而起故特著之 二十二史考異此注疑有脫譌秦地圖蓋即蕭何所收者琅邪郡長廣縣奚養澤在西秦地圖曰劇清池史引秦地圖祇此二條

莽曰班副

延陵

史記趙世家孝成王十八年一一鈞率師從相國信平君助魏攻燕徐廣曰代郡有一一縣 裴駟史記集解韓子云趙襄子召一一生令車騎先至晉陽襄子時趙已并代可有一一之號但未詳是此人否耳 水經注延鄉水出

一一縣西山東逕一一縣故城北地理風俗記曰當城西北有一一鄉故縣也俗謂之琦城川 方輿紀要一一城在今大同府東北戰國時趙邑也 大清一統志一一故城在今大同府天鎮縣北邊牆外正黃旗察哈爾界中延鄉水即西洋河在天鎮縣西北邊牆外

狝氏

說文狝犬怒兒一曰犬難得代郡有一一縣讀又若銀

孟康曰狝音權氏音精 玉篇狝魚肌切一一縣又音權

集韻上平六脂部狝牛肌切代郡有一一縣或作權又

下平二僊部一一縣名屬代郡 漢書考異示有祁音氏

有支音祁與權支與精聲皆相近 水經注灤水又東逕

一一縣故城北十三州志曰縣在高柳南一百三十里俗謂之苦力干城 方輿紀要一一城在今大同府渾源州東 大清一統志一一廢縣在今大同府廣靈縣西北 莽曰狝聚

且如

水經注地理風俗記曰當城西北四十里有一一城故縣也代稱不拘名號變改其據城郭相去遠矣 師古曰且音子如反 方輿紀要一一城在大同府東晉義熙十一年魏主如沮洳城即一一之譌也胡三省謂城以下濕得名誤矣 大清一統志一一故城在今大同府天鎮縣北邊牆外正黃旗察哈爾東南

于延水出塞外東至寧

屬上谷郡

入治

北山經梁渠之山修水出焉東流注于雁門 水經注于延水出塞外柔元鎮西長川城南小山東南流逕一一縣故城南亦謂之修水地理志有于延水而無雁門修水之名山海經有雁門之目而無說于延河自下亦通謂之于延水矣 大清一統志于延水在大同府天鎮縣北一名修水今名東洋河源出縣北邊牆外南流入宣化府經安縣北又東南經宣化縣南至保安州東合桑乾河 又云兆哈河在正黃旗察哈爾東南六十里源出平地南流



會烏爾古河又南蒙古几河自西來注之又南蘇爾札河  
自東北來注之又東流從又同府天鎮縣新平堡入邊經  
柴溝堡西北入宣化府界經懷安縣北爲東洋河又東南  
經宣化縣南至保安州東入桑乾河卽古于延水也 又  
云于延水今名兆哈河亦曰昭哈河則——故城在水旁  
明矣 水道提綱東洋河卽古于延水亦曰修水其源曰  
兆哈河在正黃旗察哈爾車北兆哈嶺之東兩水合而南  
流又東南流入邊城經山西新平堡又東流經直隸西洋  
河堡柴溝堡南合西洋河東流至萬全驛北合清水河折  
而東南流經宣化府城西南又東南至保安州東北入桑  
乾河 按上谷郡有寧縣有廣寧縣據水經注于延水東  
至廣寧入治則本志作寧誤也

中部都尉治

平邑

史記趙世家獻侯十三年城——集解代郡有——縣  
水經注灤水又東北逕——縣故城南十三州志曰城在  
高柳南一百八十里北俗謂之醜寅城 方輿紀要——  
城在今蔚州靈邱縣西北 大清一統志——故城在今  
大同府陽高縣西南

莽曰平胡

陽原

水經注灤水又東逕——縣故城南北俗謂之北郝州城

方輿紀要——城在今蔚州靈邱縣東北 大清一統志——故城在今直隸宣化府西寧縣西東山西大同府天鎮縣南

東安陽

水經注灤水又東逕——縣故城北趙武靈王封長子章為代安陽君此即章封邑地理風俗記曰五原有西安陽故此加東也 大清一統志——故城在今宣化府蔚州西北

莽曰竟安

叁合

史記韓王信傳十一年春信復與胡騎入居——漢使柴

將軍屠——斬韓王信蘇林曰——代地也師古曰代之

縣也 水經注敦水導源高柳縣西北少咸之山東流逕

——縣故城南地理風俗記曰道人城北五十里有——

鄉也縣也 括理志——故城在朔州定襄縣北 通典

今雲中縣有——陂 胡三省通鑑注——陂在代郡——

——縣 方輿紀要——城在大同府東百里 大清一統

志——故城在今大同府陽高縣東北——陂在東北曰

口外鑲藍旗察哈爾界中今朔平府左雲縣北塞外亦有

——廢縣乃後魏分沃陽縣所置非漢故縣也

平舒

史記趙世家孝成王十九年與燕易土以——與趙徐廣

曰——在代郡 魏土地記代城西九十里有一城  
括地志——故城在蔚州靈邱縣北九十三里——一統志  
——故城在今大同府廣靈縣西縣志云在縣西十里平  
水村南俗呼平水城卽舒字之譌

祁夷水北至桑乾入治

水經注祁夷水出——縣東逕——縣之故城南澤中其  
水控引衆泉以成一川東北逕蘭亭南又東北逕石門關  
北又東北流水側水有故代王魚池 又北逕桑乾故城  
東而北流注于灤水 元和志興唐縣漚夷河亦曰瓠瓠  
河上槽狹下流濶有似瓠瓠因名 禹貢錐指職方州并  
其川滹池漚夷鄭注云漚夷卽祁夷出——按漢志——

——縣有祁夷水北至桑乾入治治卽灤水亦名桑乾河漢  
桑乾縣故城在今山西大同府蔚州西北——則州屬廣  
靈縣也縣南有壺流河卽古祁夷水源出縣西東北流至  
蔚州入桑乾河不經曲陽縣界鄭說非是 一統志祁夷  
水在今大同府廣靈縣南關外鄭康成顏師古以此爲漚  
夷川今名壺流河源出縣西三十里東流至直隸宣化府  
蔚州界入桑乾河

莽曰平葆

代

史記趙世家襄子北登夏屋使厨人操銅料以食代王遂  
以料擊殺之興兵平代地以封伯魯子周爲代成君伯魯

者襄子兄早死故封其子 又項羽本紀徒趙王歇為代王都代 水經注祁夷水又東北流逕一城西 史記正義一郡城北狄代國秦漢代縣城也在蔚州飛狐縣北一百五十里 輿地廣記蔚州本代國在常山之北趙襄子定代地及武靈王置代郡 一統志一縣故城在今宣代府蔚州東 趙一清曰前漢代郡治桑乾後漢移治高柳 漢志一縣下應劭曰故一國 水經注遂以為孝文所都非也文帝初封代王都晉陽後徙中都未嘗居代也

莽曰厭狄亭

靈邱

史記趙世家孝成王七年以一封楚相春申君 又周

勃世家擊陳豨一一破之斬豨 應劭曰武靈王葬此因氏焉臣瓚曰一一之號在趙武靈王之前師古曰瓚說是一也 元和志今蔚州一一縣本漢舊縣又興唐縣亦一一地 括地志一一故城在今縣東十里 大清一統志一一故城在今大同府一一縣東 日知錄漢書代郡一一應劭曰趙武靈王葬其東南二十里故縣氏之 水經注曰史記趙敬侯二年敗齊于一則名不因靈王也 按史記田齊世家威王元年三晉因齊喪來伐我一一六國表及趙魏韓三世家並同趙世家惠文王十四年相國樂毅將趙秦韓魏燕攻齊取一一而孟子謂蚺鼃曰子之辭一一而謂士師此別一一必在齊境後入于趙而孝成

王以一一封楚相春申君益明其不在代郡矣 水經注云云是誤以趙之一一為齊之一一而不知齊境不得至代也

漉水東至文安

屬勃海郡

入大河

說文漉水起北地一一東入河即漉夷水并州川也从水寇聲 應劭曰漉音疆 北山經高是之山漉水出焉東

流注于河郭注過博陵縣南又東北入于易水 水經漉

水出代郡一一縣高是山東南過廣昌縣南上曲陽縣北

又東過唐縣南安熹縣南安國縣北博陵縣南又東北入

于易注云漉水即嘔夷之水也出一一縣高氏山山上有

銘題言冀州北界故世謂之石銘陁也東南流合溫泉水

又東逕一一縣故城南 師古曰漉音寇又音苦侯反

元和志漉夷水一名漉水出今一一縣西北高是山周禮

并州其川漉夷謂此也亦名唐水西去唐縣一百五十步

方輿紀要高是山在今蔚州一一縣西北七十里 禹

貢錐指職方并州其川虜池嘔夷嘔夷即後世所謂漉水

也漉水即禹貢之恒水也 大清一統志漉水遼謂之渾

源川今名唐河源出山西大同府一一縣由倒馬關流入

直隸保定府經完縣西北唐縣西南界又東南過定州又

逕祁州又東北經高陽縣東又北逕安州東入白洋淀

皇朝通志豬龍河即唐河古名滹水源自山西渾源州南會  
 溫泉水嘔夷水經靈邱縣城南又東南經廣昌縣境入直  
 隸界又東南經唐縣及曲陽縣北又經定州北祁州南有  
 沙河滋河來會名豬龍河經博野縣蠡縣南又經甯縣  
 北高陽縣南至安州東南入泊 水道提綱唐河即古滹  
 水源出山西渾源南翠屏山即恒岳西麓也東南流會諸  
 水又東流經太白山北為唐河經靈邱縣南廣昌縣南入  
 直隸界倒馬關之北又東南為曲陽北境唐縣西北境折  
 而西南又折而東南流出山經曲陽縣北又東南經定州  
 城北又東南經祁州南又東沙河滋河二水自西南來會  
 又東北流為豬龍河經博野縣蠡縣南俗曰楊村河又北  
 經甯縣北高陽縣南又北至安州之東南入泊

過郡五行九百四十里

過代常山中山涿勃海五郡

并州川

夏官職方并州其川嘔夷 地理志稽疑鄭康成注職方  
 誤以嘔夷為祁夷而顏師古從之不知班志已自了然蓋  
 嘔夷即滹水也故於滹河之下大書曰并州川則其為嘔  
 夷水無疑矣

廣昌

史記樊噲傳破得綦母卬尹潘軍于—— 本書五行志  
 文帝後六年發車騎材官屯—— 水經滹水又東南過

一一縣南 水經注連水又西逕一一城南魏土地記曰  
 代城南二百里有一一城南道大嶺卽此非也十三州記  
 曰平舒城東九十里廣平城疑是城也 括地志一一  
 故城在今蔚州飛狐縣北七里 通典今蔚州飛狐縣本  
 漢一一縣地飛狐口在縣口卽漢之飛狐道 大清一統  
 志一一故城在今易州一一縣北

涑水東南至容城

屬涿郡

入河

說文涑水起北地一一東入河从水來聲并州浸 水經  
 巨馬河出代郡一一縣涑山東過迺縣北又東南過容城

縣北又東過東平舒縣北東人于海注云巨馬河卽涑水  
 也亦曰渠水水有二源俱發涑山東逕一一縣故城南地  
 理志曰入河河卽濡水也蓋互以明會矣 師古曰涑音  
 來 元和志涑水在今涑水縣東北二里 大清一統志  
 涑來一名巨馬河源出易州一一縣南東流轉南經涑水  
 縣東又南經保定府定興縣西至縣南爲白溝河又東南  
 經容城縣東北又東經新城縣南又東南經雄縣西又東  
 入順天府保定縣界與琉璃河合卽古桃水也 又云督  
 元溝亦承涑水東南至定興縣謂之白溝又南入巨馬河  
 白溝乃巨馬支津下流在今涿州界自宋以來始總號巨  
 馬爲白溝 又云涑水現有二源以諸志考之其出縣東

泰山廟前古塔下者為涑水出縣南七山坡下者為拒馬河二水合流于城東稍南之前坊材由是拒馬涑水互受通稱矣 又云按水經注元和志寰宇記諸書皆作巨馬後人加手傍作拒馬相傳劉琨拒石勒于此得名

皇朝通志拒馬河即涑水古名桃水源出山西代州及易州廣昌縣北山經長城北東流至紫荆關人長城東北經易州山中折東南經涑水縣東北又東南經涿州城有胡良河自房山縣來會琉璃河自良鄉縣來會又南經固安縣西南新城縣東南又南有北易水中易水並自易州合窮獨山所出之濡水來會東南流經定興縣南境又經雄縣西南至趙北口入泊 水道提綱拒馬河即涑水古桃水

也源出山西代郡廣昌縣北匡古塔當廣昌城之東東北流至紫荆關北入長城又東北經易州北境山中折而東南流經涑水縣北境始出山又東南至涿州西南折而東北經州城北而東南流會胡良河琉璃河又南流經固安縣又西南經新城縣又南會北易水俗曰白溝河又東南經容縣而東南入泊又東北經保定縣城北霸州南又東北經永清縣東南東安縣會桑乾河

過郡三行五百里

方輿紀要過代上谷涿三郡 新校地理志過代涿二郡三字疑誤

并州窳



夏官職方并州其浸涑易鄭注涑出——

莽曰廣屏

鹵城

寰宇通志——在大同府應州水經古繁峙兩漢謂之——

——虜池水出焉 大清一統志——故城在今代州繁峙

縣東州志云在縣東一百里其地多鹵故名故城周三里

有奇

虜池河東至叁合

禹貢推指叁合當作叁戶蓋傳寫者因郡有叁合縣而誤

——與叁合大山隔絕滹池不得至其地也 殿板漢書

考證齊召南曰叁合當是叁戶之訛叁戶勃海郡屬縣也

故下文曰過郡九若其東至叁戶入虜池別同在一郡安

得云過九郡乎且叁合故城在北塞之外限隔重山既北

至叁合安能復南至勃海也

入虜池別

禮器齊人將有事于河必先有事于惡池鄭注惡當爲呼

聲之誤也呼池并州川 穆天子傳北循虜沱之陽郭注

虜沱河今在雁門——縣沱音橐駝之駝 史記蘇秦傳

說燕文侯曰燕南有虜沱易水 戰國策趙攻中山以擅

滹沱 秦詛楚文告于不羆大神亞駝亞駝卽惡池也亞

與通惡駝卽沱亦卽池字 北山經秦戲之山虜沱之水

出焉東流注于滹水 淮南地形訓虜沱出魯乎 經典

釋文序喚胡反池徒多反 師古曰序音呼池音徒河反  
後書光武紀注滹沱水在今代州繁峙縣東流經定州  
深澤縣東南卽光武所渡處今俗猶謂之危渡口 唐六  
典河北大川曰滹沱其水易溢 元和志泰戲山一名武  
夫山在今代州繁峙縣東南九十里滹沱水出焉 通典  
滹沱水出繁峙縣東南派阜山 寰宇記繁峙縣泰戲山  
亦名平山亦曰戊夫山今日派山 又云滹沱河源出繁  
峙縣東南孤阜山 今水經滹沱河源出山西繁峙縣東  
北三十里泰戲山歷代州崞縣忻州定襄五臺孟縣北入  
真定府平山縣界逕靈壽縣至真定府城南經晉州過保  
定府境東鹿縣南三十里達于深州至阜城縣沙水入焉

又歷河間府獻縣城南易水注之至交河縣與高河合爲  
交河至青縣入于衛 方輿紀要滹沱河源出山西繁峙  
縣東北一百二十里之太戲山由繁峙縣折而西南流經  
代州東南又西南經崞縣忻州及定襄縣東復折而東南  
流經五臺縣南孟縣北又東入北直真定府城南縣界經  
縣北又東經靈壽縣及真定府城南歷藁城縣北趨晉州  
城南繞保定府東東鹿縣南又過安平縣南達深州北復  
東出饒陽縣北歷河間府獻縣南交河縣北入青縣界至  
縣東南至河口合于衛河東北流至靜海縣小直沽入于  
海 禹貢錐指滹沱河卽禹貢之衛水也滹沱大川而水  
經無之寰宇記所引有四條則似水經原有滹沱水篇宋

初尚口口口口 大清一統志滹沱河源出代州繁峙縣東泰戲山西流入代州界又西南流入崞縣界又東南流入忻州界又自忻州定襄縣東流入五臺縣界又東入平定州孟縣界又東入直隸正定府平山縣界又東逕靈壽正定二縣南又東逕藁城縣北晉州南又東入保定府東鹿縣界經深州安平縣南又東逕州北又東北經饒陽縣北入河間府獻縣界分爲二一東流經縣南十二里又東北經交河縣北界又東北會老漳河至青縣合衛河一自獻縣西分流曰鹽河東北經河間縣東五十里又東北入順天府大城縣界爲子牙河 又云子牙河在順天府大城縣東卽滹沱河及滏陽諸水之下流因經大城縣之子牙材故得是名

皇朝通志滹沱河源出山西繁峙縣東北曰青龍泉經代州東南崞縣城東又南經忻縣經定襄縣西北有雲中河牧馬河來會又經五臺河縣南有清水河自五臺山來會又經孟縣東北至長城至直隸界有治河自井陘縣來會又逕靈壽縣南獲鹿縣北真定府城南藁城縣北晉州南又東南至東鹿縣入大陸澤自澤東南流經冀州北衡水縣西北武邑縣北武強縣南又經交河縣西獻縣南分爲二派一經滄州西與漳河合一經河間府東至天津府青縣境又北經子牙汛日子牙河又北經靜海縣會清水河水道提綱滹沱河卽禹貢之衛水也源出山西繁峙縣東

北泰戲山曰青龍泉西流經縣城南又西南經代州城東南又西南經崞縣城東又南爲忻州北折而東南經定襄縣西北又東經五臺縣南又東南經盂縣東北又東入長城黑山關東南入直隸界又東南三十里出山始行平地經平山縣北又東南經靈壽縣南獲鹿縣北真定府南藁城縣北晉州南東鹿縣東南入大陸澤自澤東南流經冀州北東北流經衡水縣西北武邑縣北武強縣南交河縣西獻縣南分爲二派一東流經獻縣南至滄州西合漳河又北至青縣東南與運河會北至靜海縣西又北至天津會白河桑乾諸水東入海一北流經獻縣西北折東北流經河間府東又東北經青縣西大城縣東又北經子牙河靜海縣西與清水河合東流至西沽北與自河桑乾會又東南與運河會二派復合也 水經注釋按漢志河間國樂成縣下云虜池別水首受虜池河東至東光入虜池河又弓高縣下云虜池別河首受虜池河東至平舒入海而代郡——縣下云虜池河東至叁合入虜池別則別字下當有水字或河字志脫也以水經驗之便可證過郡九行千三百四十里

新校地理志應過代雁門常山信都河間勃海六郡九字疑誤

并州川

夏官職方并州其州虜池嘔夷鄭注虜池出——

從河東至文安

屬勃海郡

入海過郡六行千三百七十里

禹貢錐指按寰宇記瀛洲河間縣西二十里高陽縣東北十四里莫州鄭縣南二里霸州大城縣北一百三十里文安縣西北三十里皆有滹沱水此卽漢志所云從河東至文安入海者也 大清一統志子牙河在天津府靜海縣西一名鹽河卽滹沱河下流自河間府獻縣西南分流經河間縣東境流入靜海縣與順天府大城縣分界又北流入武清縣三角淀漢志代郡鹵城縣下云從河東至文安入海水經注獨缺此水寰宇記云高陽莫縣皆爲滹沱所

經蓋古滹沱經流本在河間西北合易水而東今子牙河自獻縣分流由文安大城入淀其上流雖移而南下流猶與古合乃滹沱正流也其自青縣西南來合漳河者乃樂成之滹沱別河舊志以爲子牙河水而入漳之別瀆反謂之正流雖相沿已久其實非也 趙一清曰按水經注濁漳水篇衡漳又東北右會桑社溝溝上承從陂世稱盧達從薄亦謂之訶摩河訶摩河卽——縣之從河也訶摩當作摩訶梵語謂大爲摩訶蓋言大河也 錢坫曰從河疑當作別河字之誤也水經無虜池河于二漳滹易巨馬語經中雜出一二語蓋書逸也今河上流爲虜池正流下流則爲別河正流爲漳水所亂莫可考矣

從河東至文安

屬勃海郡

入海過郡六行千三百七十里

禹貢錐指按寰宇記瀛洲河間縣西二十里高陽縣東北十四里莫州鄭縣南二里霸州大城縣北一百三十里文安縣西北三十里皆有滹沱水此卽漢志所云從河東至文安入海者也 大清一統志子牙河在天津府靜海縣西一名鹽河卽滹沱河下流自河間府獻縣西南分流經河間縣東境流入靜海縣與順天府大城縣分界又北流入武清縣三角淀漢志代郡鹵城縣下云從河東至文安入海水經注獨缺此水寰宇記云高陽莫縣皆爲滹沱所

經蓋古滹沱經流本在河間西北合易水而東今子牙河自獻縣分流由文安大城入淀其上流雖移而南下流猶與古合乃滹沱正流也其自青縣西南來合漳河者乃樂成之滹沱別河舊志以爲子牙河水而入漳之別瀆反謂之正流雖相沿已久其實非也 趙一清曰按水經注濁漳水篇衡漳又東北右會桑社溝溝上承從陂世稱盧達從薄亦謂之訶摩河訶摩河卽——縣之從河也訶摩當作摩訶梵語謂大爲摩訶蓋言大河也 錢坫曰從河疑當作別河字之誤也水經無虜池河于二漳滹易巨馬語經中雜出一二語蓋書逸也今河上流爲虜池正流下流則爲別河正流爲漳水所亂莫可考矣

莽曰魯盾

漢書地理志補注卷七十

上谷郡秦置

常熟 吳卓信 編纂

戰國策甘羅與趙攻燕得上谷三十六縣與秦什一 史  
 記匈奴傳燕亦築長城自造陽至襄平置十一漁陽右北  
 平遼西遼東郡以距胡 水經聖水出——東谷良鄉縣  
 南長鄉縣北安次縣東南入于海 晉書地道記郡在谷  
 之上頭故以——名焉 十三州志涿鹿東北至——城  
 六十里 水經聖水出——東過良鄉縣南長鄉縣北安  
 次縣東南入于海 水經注——故燕地秦始皇二十三  
 年置為郡 括地志——故城在媯州懷戎縣東北一百

十里 通典——今易幽莫瀛嬀州之地 寰宇通志

——故城在隆慶州城西北 九邊輯畧宣府古——

——唐宋之山後州也 名勝志保安州距京師三百里卽

漢——治 方輿紀要——秦郡漢初屬代後復爲

郡今保安州河間府及順天府南境西境又延慶保安二

州至宣府鎮府境內皆是 地理志稽疑——故秦郡楚

漢之際屬燕國高帝六年屬漢仍屬燕國景帝後以邊郡

收 按漢——今直隸宣化府之宣化龍門懷來三縣

及蔚延慶保安三州順天府之昌平州皆其地

莽曰朔調

後書耿弇傳父况爲王莽朔調連率 又郭伋傳王莽時

爲上谷大尹

屬幽州縣十五

沮陽泉上潘軍都居庸雒稽夷輿寧昌平廣寧涿鹿且居

茹女祁下落

沮陽

服虔音阻孟康音俎 水經注清夷水又西逕——縣故

城北秦上谷郡治此魏土地記曰城北有清夷水西流也

又屈逕其城西南流注于灤水 後書劉茂傳注——故

城在今嬀州東 括地志燕上谷秦因不改漢爲——縣

寰宇通志保安州漢初爲涿鹿縣地後置——縣 名

勝志——城在今保安州治內舊志云沮河在州北七十



里故曰——今名洋河南流入桑乾 大清一統志——  
故城在今宣化府懷來縣南

莽曰沮陰

泉上

莽曰塞泉

潘

莽曰樹武

師古曰音普半反 水經注灤水又東逕——縣故城北或  
曰舜所都也魏土地記曰下洛城西南四十里有——城城  
西北三里有厯山山上有虞舜廟十三州記曰廣平城東  
北一百一十里有——縣 又云——泉故瀆上承——泉于——

城中縱廣十數步東出城注協陽關水 廣韵媯水名春

秋時屬燕秦爲上谷郡漢爲——縣武德初置北燕州貞觀

改爲媯州因水爲名 括地志媯州外城中有舜井城北

有厯山相傳爲舜所耕處 又云媯州有媯水源出城中

耆舊傳云卽堯降二女於舜處 通典今媯州所理懷戎

縣漢——縣地 寰宇通志故——城卽漢——縣在萬金都指

揮司唐爲懷戎元爲懷來魏輿圖記云——城有厯山形似

覆釜其下有舜瞽瞍祠相傳爲舜所耕之山也 名勝志

媯川在今延慶州界流至懷來衛城東南又西流合桑乾

水俗名清水河 大清一統志——縣故城在今保安州西

南舊志以爲卽今懷來縣者誤 又云媯水在今保安州

西南卽古一泉也 水道提綱媯水出延慶州東北山西  
南流經州城南又西南經懷來縣城東南又西南至邊城  
外入桑乾河 經史問答上谷郡一縣前志續志晉志魏  
志並作潘顏師古音普半反獨胡梅磳據水經注謂潘當  
作漢予按師古所見諸史是唐本梅磳所見水經是宋本  
似未可以與師古爭然道元注水經則是六朝本又在師  
古之前矣今本水經灤水篇一縣一水皆潘字雖吳下所  
稱宋本亦然乃於河水篇河水過蒲阪縣下引帝王世紀  
曰舜都蒲阪或言都平陽及漢乃恍然曰是灤水篇之漢  
也古人言舜都廣甯廣甯在上谷乃知世紀之漢也諸史  
所誤爲潘者師古未之審也水經今亦無善本書改漢爲  
潘而賴河水篇中尙存其一字然非梅磳之言亦何從踪  
跡之 按全氏之說甚新而確真可謂善讀古人書者存  
之以俟再考

### 軍都

史記絳侯世家得盧綰御史大夫施屠渾都徐廣曰渾都  
在上谷索隱曰施名也屠滅之也渾都卽一一縣屬上谷  
後書耿弇傳注一一今幽州昌平縣有一一山在西北  
寰宇記昌平縣在幽州西北九十五里本漢一一縣一  
一山在縣西北十里又名居庸山 大清一統志漢一一  
故城在今順天府昌平州西今州在舊縣東八里以寰宇  
記道里計之唐時昌平縣尙在舊縣之西卽一一城也今

州東之——村乃魏齊時僑置非故縣也  
温餘水東至路

屬漁陽郡

南入沽

水經灤餘水出上谷居庸關東又東流過——縣南又東  
流過薊縣北又北屈東南至狐奴縣西入于沽河 水經  
注灤水餘故瀆東逕——縣故城南又東重源潛發積而  
爲潭謂灤餘潭 昌平山水記温餘河卽昌平之榆河下  
流爲沙河入順義西南界下至通州入潞河順義謂之西  
河金人名縣曰温陽以此遼史作温餘河本水經之濕餘  
河以字相似而譌也 方輿紀要榆水一名濕餘河或名

温榆河卽濕餘之譌也 大清一統志温餘河自居庸關  
南流經昌平州西又東南經順義縣西南又東南至通州  
又曰河一名濕餘河亦曰榆河俗名富河 皇朝通志  
沙河出昌平州之居庸關卽濕餘水亦曰榆河經大興縣  
北合清河水又東南入于白河 水道提綱沙河出昌平  
州西北之居庸關卽温餘水亦曰榆河東南流至宛平北  
又東南至通州北東入白河

居庸有關

水經注——關在上谷沮陽城東南六十里——界故關  
名——矣更始使者入上谷耿况迎之于——關卽此南  
則絕谷累石爲關址崇墉峻壁非輕功可舉山岫層深側

道褊狹林巒邃險路纔容軌其水歷山南逕軍都縣界又謂之軍都關又南流出關謂之下口 唐十道志一一關

亦名薊門關 通典古一一關北齊改為納欵在今幽州昌平縣西北淮南子云天下九塞一一是其一也 唐書

地理志昌平縣西北三十五里有納欵關即一一故關亦謂之軍都關 輿地廣記昌平縣北十五里有軍都陁西

北三十五里有納欵關即一一故關亦謂之軍都關 程大昌北邊備對一一關太行山最北之第八陁也東西橫

亘五十里而中間通行之地才闊五步 胡三省通鑑注漢志有軍都一一兩縣蓋縣各有關也據蘇林注但言一一

有關於軍都則否蓋北魏時曾否置兩關耳 金史地理志昌平縣有一一 方輿紀要一一 在今順天府

昌平州西北二十里延慶州東南五十里關門南北相距四十里兩山夾峙巨澗中流懸崖峭壁稱為絕險舊志云

一一塞東連盧龍碣石西屬太行常山實天下之險路有鐵門關呂氏春秋淮南子皆曰天下九塞一一其一也今

謂之軍都關古謂太行八陁其第八陁為軍都是也 大清一統志一一故城在今宣化府延慶州東後漢建安中

劉虞自薊北奔一一即此一一關在今昌平州西北去延慶州五十里即呂氏春秋九塞之一也

雒替

孟康曰音句無 師古曰雒音工豆反替音莫豆反 水

經注連水出——縣東西北流逕——縣故城南 大清  
一統志——故城在今宣化府蔚州東

夷輿

水經注谷水與浮圖溝水出——縣故城西南縣在居庸  
東北 大清一統志——故城在今宣化府延慶州東北

莽曰朔調亭

寧

續志水經注並作甯 水經注寧川水又東逕小甯縣故

城南故甯縣也魏土地記曰大甯城西二十里有小甯城

寰宇通志小甯城在隆慶州城西 大清一統志甯縣

故城在今宣化府宣化縣西北甯川水今名清水河 又

云清水河源出邊外鴛鴦泊南滙正北溝東西沙溝諸水

流入張家口南流逕萬全縣東又南至宣化縣界又洋河

卽古甯川水也 水道提綱清水河卽古甯川水其源在

張家口東北太平莊上源在獨石口西南山南流合二水

水折而西與拜察河會又南折而西南入東洋河 按左

傳公孫寧公羊作公孫甯漢郊祀歌穰穰復正直往甯師

古曰甯音寧蓋寧甯古通用也

西部都尉治莽曰博康

昌平

水經注易荆水又東逕——縣故城南又謂之——水魏

土地記曰薊城東北一百四十里有——城城西有——

河又東北注灤餘水 魏書地形志軍都縣有——城  
 後書盧芳傳注——縣故城在今幽州——縣東南 括  
 地志——故城在今幽州東南六十里 大清一統志——  
 故城在今順天府——州東南又宣化府蔚州北亦有  
 ——故城乃後魏所僑置非漢縣也

莽曰長昌

廣寧

續志水經注並作廣甯 水經注延河東逕大甯縣故城  
 南故——甯也魏土地記曰下洛城西北一百三十里有大  
 甯城 寰宇通志隆慶州在漢為——縣 大清一統志  
 ——故城在今宣化府宣化縣西北

莽曰廣康

涿鹿

應劭曰涿水出上谷——縣 帝王世紀黃帝都——于  
 周官為幽州之域在漢為上谷今上谷有——城及蚩尤  
 城阪泉 太康三年地記——城東一里有阪泉上有黃  
 帝祠 水經注灤水又東逕——縣北涿水入之涿水出  
 ——山世謂之張公泉東北流逕——縣故城南與阪泉  
 合黃帝與蚩尤戰于——之野留其民于——之阿即是  
 墟也魏土地記曰下洛城東南六十里有——城城東一  
 里有阪泉東南六里有蚩尤城 括地志——山在媯州  
 懷戎縣東南五十里城在山側故城在州東南五十里本

黃帝所都也 史記索隱——或作濁鹿上谷有此縣服  
 虔云在涿郡者誤也古今字異耳 史記正義涿鹿故城  
 在——山下即黃帝所都之邑于山下平地 地理通釋  
 世本云——在彭城然則上谷本名彭城 大清一統志  
 ——故城在今宣化府保安州南舊志云東南四十里土  
 城遺趾制甚宏闊中有黃帝廟明統志謂之軒轅城即——  
 城也 新校地理志爾雅四極北至于祝栗祝栗即——  
 也

莽曰拓陸

按水經注作禡陸

且居

水經注于延水又南逕——縣故城南東南流注于灤水  
 方輿紀要興安城在開平故衛西南本漢——縣地  
 大清一統志——故城在今宣化府宣化縣東舊志云在  
 衛東六十里周一里 新校地理志匈奴官名且渠亦作  
 沮渠亦作——縣以為字

樂陽水出東東入海

水經注沽水又東南與鵲谷水合水有二源南即陽樂水  
 也出——縣北流逕大翻山小翻山北東南逕赤城西入  
 沽 畿輔通志龍門河又東至赤城縣界合沽河即水經  
 注所云陽樂河東南入赤城 大清一統志陽樂河在今  
 宣化府龍門縣南東流至赤城縣界入沽河 按樂陽水

當從水經注作陽樂為是遼西郡有陽樂縣此水所出也  
東入海南監本作南入海

莽曰久居

茹

水經注于延水又東南逕一縣故城北世謂之如口城魏  
土地記曰城在鳴鷄山西十里南通大道 方輿紀要一  
縣城在今宣保安州西 大清一統志一縣故城在今宣  
化府宣化縣南

莽曰穀武

女祁

水經注陽樂水北流逕大翻山小翻山北歷一一縣故城

南世謂之橫水又謂之陽曲河 方輿紀要興和城在開  
平故衛東二百里本漢上谷郡一一縣地 大清一統志  
一一故城在今宣化府龍門縣東

東部都尉治莽曰祁

下落

水經注灤水又東逕下洛縣故城南魏土地記曰一一古  
平城五十里 名勝志今直隸萬全都指揮司距京師三  
百五十里即漢上谷郡之一一縣地唐之武州也石晉後  
没于遼 大清一統志一一故城在今宣化府保安州西  
晉改曰下洛

莽曰下忠



漢書地理志補注卷七十一

常熟 吳卓信 編纂

漁陽郡秦置

水經注——秦始皇二十二年置 後書光武紀注——

——今幽州縣也 冀州圖州西北三里有漁山高百餘

丈周五里郡在此山之陽故曰——下有漁水即今州城

南之龍池河也 地理志稽疑——故秦郡楚漢之際屬

燕國高帝六年屬漢仍屬燕國景帝後以邊郡收 按漢

——今直隸順天府之武清寶坻順義密雲平谷五縣

暨承德一府皆其地

莽曰通路屬幽州縣十二

武清縣東又東南入天津縣界由直沽入海古名沽水亦名潞水今亦名北運河 一統志稿白河卽古沽河也白河之名始于元明時亦名密雲河發源自宣化府赤城縣東流出邊東南流遶古北口之西北流入密雲縣界經黃崖口堡會白馬關馮家峪等河至順義縣會潮河又南流合通會河爲潞河至直沽會衛河入海 皇朝通志曰河卽古沽水源出赤城縣東邊外西南流入邊城有獨石水自赤城縣南龍門水自龍門縣南來會又東出邊外又東南入邊南流經密縣縣西有潮河來會西南流經懷柔縣南又經順義縣東又南至通州東北有沙河來會稍南玉河水來會南經張家灣東有凉水河來會經舊鄆縣北折東北經香河縣東又東南經武清縣東南又東南至天津府西北之西沽永定河合拒馬易水及子牙河皆會又東南運河合漳水滹沱河來會又東南至大沽北入海 水道提綱白河源出赤城縣東邊外五郎海山西麓東南流入邊古道谷口又南逕密雲縣城西而與潮河會又西南逕懷柔縣東又南至通州俗稱古潞水又東南經香河縣西又東南經武清縣東南又東南至天津府西北之西沽桑乾河及諸水來會又東南至大沽北新河南入于海有鐵官

續志——縣有鐵 大清一統志鐵鑛山在密雲縣東三十里山產鐵漢志——有鐵官蓋置于此

卷一十一  
漁陽狐奴路雍奴泉州平谷安樂庠奚獫狁平要陽白檀滑  
鹽

漁陽

水經鮑邱水從塞外來南過——縣東潞縣西雍奴縣北  
屈東入于海注云鮑邱水出禦夷北塞中南流逕密雲城  
西又東南逕——縣——郡治也 水經注漁水出——  
縣東南平地西流逕——縣故城南城在斯水之陽故名  
秦發間左成——即是城也又西南入沽水 括地志——  
故城在檀州密雲縣南十八里漁水之陽 又云幽州  
——縣本北戎無終子國 大清一統志——故城在今  
順天府密雲縣西南縣志云在西南三十里漁水在縣南

按名勝志謂薊州卽秦漢之——郡 方輿紀要謂漢

——廢縣卽今薊州治故俗謂沽水在今薊州並誤

沽水出塞外東南至泉州

屬本郡

入海行七百五十里

說文沽出——塞外東入海从水古聲 水經注沽水出

塞外禦夷鎮西北九十里丹花嶺下東南流逕赤城南又

西南流出山逕——縣故城西南合七渡水 大清一統

志白河源出宣化府赤城縣自古北口西流入逕密雲縣

西又南逕懷柔縣東又南逕順義縣東至通州北又東南

流逕州東又南逕故鄆縣東又逕香河縣西南又東南逕

武清縣東又東南入天津縣界由直沽入海古名沽水亦名潞水今亦名北運河 一統志稿白河即古沽河也白河之名始于元明時亦名密雲河發源自宣化府赤城縣東流出邊東南流遼古北口之西北流入密雲縣界經黃崖口堡會白馬關馮家峪等河至順義縣會潮河又南流合通會河為潞河至直沽會衛河入海 皇朝通志曰河即古沽水源出赤城縣東邊外西南流入邊城有獨石水自赤城縣南龍門水自龍門縣南來會又東出邊外又東南入邊南流經密縣縣西有潮河來會西南流經懷柔縣南又經順義縣東又南至通州東北有沙河來會稍南玉河水來會南經張家灣東有京水河來會經舊鄆縣北折

東北經香河縣東又東南經武清縣東南又東南至天津府西北之西沽永定河合拒馬易水及子牙河皆會又東南運河合漳水滹沱河來會又東南至大沽北入海 水道提綱白河源出赤城縣東邊外五郎海山西麓東南流入邊古道谷口又南逕密雲縣城西而與潮河會又西南逕懷柔縣東又南至通州俗稱古潞水又東南經香河縣西又東南經武清縣東南又東南至天津府西北之西沽桑乾河及諸水來會又東南至大沽北新河南入于海 有鐵官

續志——縣有鐵 大清一統志鐵鑛山在密雲縣東三十里山產鐵漢志——有鐵官蓋置于此

莽曰得漁

狐奴

水經灤餘水又北屈東南至——縣西入于沽河注云水于縣西南東入沽河昔彭寵使——合王梁南助光武起兵自是縣矣 水經注沽水西南流逕——山西又南逕——縣故城西又南左會鮑邱水世所謂東潞也鮑邱水又西南歷——城東又西南流注于沽河亂流而南 名勝志順義縣東北二十里有呼奴山亦名——山——漢縣以山而名 昌平山水記懷柔縣東南三十里有——山之西南百步有漢——縣故址魏文帝黃初二年省 大清一統志——故城在今順天府順義縣東北縣志

二云在東北三十里

莽曰舉符

潞

水經沽水又南逕潞縣爲潞河魏土地記曰潞縣城西三十里有潞河源出北山南流謂此水也 又云鮑邱水入潞通得鮑邱之稱矣又南逕潞縣故城西漢光武遣吳漢耿弇等破銅馬幡于潞東卽是縣也 又云高粱水東至潞縣注于鮑邱之水又南逕潞縣故城西 後書光武紀注潞縣今幽州縣也有潞水因以爲名蕭刻音義云潞屬上黨按潞與漁陽相接言上黨者非 通典薊州漁陽縣有鮑邱水又名潞水 寰宇記潞縣在幽州東六十里本

漢舊縣潞河一名沽河一名鮑邱水北自檀州密雲縣界流入 薊鎮志潮河卽潞河也水流湍悍時作響如潮聲故名 邊防考潮河寬處可一二里狹處僅一二丈昔人每以木石縱橫布列以限戎馬 名勝志通州在順天府城東四十五里在漢潞縣故城東南八里潞河一名沽河源出塞北丹花嶺合九泉南經安樂縣故城西南爲西路河又南經——城西與鮑邱水合爲東潞河鮑邱水一名白河以其兩岸皆白沙不產青草故名 大清一統志潞縣故城在今順天府通州東潮河源出口外自古北口流入密雲縣界西南流至縣東南合白河其古道舊自密雲流經懷柔縣東至順義縣北與白河合復自白河分流經

通州東三河縣西南寶坻縣東合洵河入海卽古鮑邱水也 又云按水經注謂潞水在潞縣城西三十里寰宇記亦據其說是潞縣自唐以前雖嘗遷改而水在城西則不異也今潞水在通州之東自遼金至明不聞有遷改事惟通鑑載五代時趙德鈞城潞縣其去州道里較寰宇記少十里遷冶蓋在是時也 皇朝通志潮河卽古之鮑邱水源出古北口外西北 御馬廠地東南入邊在古北口之南經南臺西南至密雲 東北又西南經縣城東又西會白河 按路當從續志及水經注作潞蓋縣以潞水得名也

莽曰通路亭

雍奴

水經灤水又東至漁陽——縣西入笥溝注云笥溝沽水之別名也灤水入焉俗謂之合口 水經注——者藪澤之名四面有水曰雍不流曰奴南極滹沱西至泉州東極于海謂之——藪其澤野有九十九澱枝流條分往往逕通 寰宇記——故城在今幽州東南一百五十里 明統志三角淀周回二百餘里卽古之——水 名勝志武清縣在今通州南五十里本漢——縣也 大清一統志——故城在今順天府武清縣東縣志云在縣東邱家莊南東距曲河七十里三角淀在武清縣東南西直一百六十里南北二三十里或六七十里爲七十二清河之所匯

瀦永定河自西北來子牙河自西南來咸入之蓋其地本皆古——藪也 水道提綱三角淀卽古——水當西沽之上最大周二百餘里後漸填淤袤延霸州永清東安武清南至靜海西及文安大成之境今日東淀以其對任邱趙北口之泊爲西淀也又東爲西沽三十里合運河達天津

泉州

水經易水又東過——縣南東入于海 又云沽水又東南至——縣與清河合東入于海清河者派河尾也注云沽水又東南合清河今無水清淇漳恒澂易涑濡沽滹池同歸于海故經曰派河尾也 水經注洵水又東合——

渠口故瀆上承滹池水于——縣故以——爲名西去雍  
奴故城一百二十里其下厯水澤一百八十里入鮑邱河  
謂之——口 又云八丈溝水出安次縣東南逕——縣  
故城西合滹池枯瀆口口又東南至——縣西南東入八  
丈溝又南入巨馬河 名勝志滹縣在今通州南四十五  
里寶坻縣在今州東南一百二十里並漢——縣地 大  
清一統志今順天府寶坻縣卽漢——縣地故城在武清  
縣東南縣志云在東南四十里 又云——渠在今寶坻  
縣東南一名新河

有鹽官

名勝志寶坻縣本漢——縣地後唐于此置榷鹽院謂之

新倉金大定間置縣易今名謂其地產鹽爲國之寶如坻  
如京云

奉曰泉調

平谷

水經注洵水出右北平無終縣西山白楊谷西北流逕——

——縣又東南逕——縣故城東南與洵河會 後書光武

紀注——縣故城在今幽州潞縣北 名勝志——縣在

今薊州城西北八十里故城在今通州之北又西北爲安

樂城俱漢縣 大清一統志——故城在今順天府——

縣東北縣志云故縣城在今縣東北十二里地名城子莊

安樂



水經注灑餘水又東南流逕——縣故城西更始使拜吳  
漢爲——今卽此城也 又云沽水又南逕——縣故城  
東俗謂之西路水 後書彭寵傳注——縣故城在今幽  
州潞縣西北 方輿紀要——城在今通州西北 名勝  
志今雲密城東北五十里有——縣實分自庠奚者 大  
清一統志——故城在今順天府順義縣西南 按晉志  
——屬燕國注云蜀主劉禪封此縣公地道記亦云劉禪  
封此胡三省注通鑑因之而華陽國志謂在上庸之——  
考上庸無——縣當是漁陽無疑

庠奚

續志水經注並作僂奚太平御覽作虎溪 孟康曰庠音

題字或作蹄 水經注鮑邱水又南逕僂奚縣故城東

寰宇紀檀州密雲縣本漢——縣 名勝志今密雲縣理

乃漢——縣也 方輿紀要——廢縣在今密雲縣東南

大清一統志——故城在今順天府密雲縣東北口外

僂平城東北按後漢時徒烏丸于漁陽塞外白檀縣移治

僂奚後魏置白檀縣爲密雲郡治云治提攜城提攜卽僂

奚猶仍後漢之舊也以水經注考之當爲古北口近塞地

莽曰敦德

獷平

說文獷從犬廣聲漁陽有——縣 服虔曰獷音鞏 廣

韻——縣在漁陽居住切又居猛切 師古曰獷音九永

反又音鑛 水經注鮑邱水又西南逕——縣故城東  
大清一統志——故城在今順天府密雲縣東北蓋在潮  
河西近古北口地

莽曰平獷

要陽

水經注濡水又東南與要水合水出塞外三川並導謂之  
大要水也東南流逕——縣故城東又東南逕白檀縣而  
東南流入于濡 師古曰要音一妙反 方輿紀要要陽  
廢縣在今密雲縣東南六十里要水源出古北口外自大  
小黃崖流入密雲縣西北又東入于潮河漢縣以此而名  
畿輔通志——故城在密雲東北塞外 大清一統志

——廢縣在今承德府西古白檀城西北 按如酈氏說  
則知——在白檀之西爲塞外地而地形志云——縣有  
檀花山在順義乃僑置非古縣矣

都尉治莽曰要術

白檀

本書李廣傳上報曰將軍其帥師東轅彌節——以臨右  
北平 水經注濡水又東南逕——縣故城北 名勝志  
——山在今密雲縣南二十五里魏書曹公慝白檀破烏  
丸卽此地也山多——柳故名 昌平山水記密雲縣南  
二十里爲——山漢所以名縣也 大清一統志——故  
城在今承德州西南舊興州地古北口東北一百四十里

又云按漢一一縣在今古北口外承德州界後魏密雲郡一一縣治漢僂奚城已非故治北齊廢一一入密雲而隋志密雲縣有漁水螺山則在故漁陽縣界又非僂奚古治矣唐置檀州雖取古白檀爲名實非古縣也 一統志稿按古一一縣當在口外故興州宜興縣地金志云興州興化縣舊有一一鎮泰和三年升爲宜興縣此真古之一縣也後漢徙一一于內地後一一縣及檀州皆爲僞置而古一一爲烏王奚王所據塞外古鎮猶存舊名明統志謂一一廢縣在密雲南有一一山在密雲縣南二十五里此皆後人所名非古一一所在也

瀦水

舊作洳水今改正

出北蠻夷

水經瀦水從塞外來東南過遼西今支縣北海陽縣西南入于海注云瀦水出禦夷鎮東南其水二源雙引夾山西北流出山合成一川又西北逕禦夷故城東又東南流逕漁陽一一縣故城北又東南逕盧龍縣故城東 竇革新唐書音訓欒力官切欒水出奚國都山諸書並無欒字惟見于切韻 今水經欒河源出宣府城西一百二十里炭山井水亂泉合爲此河北流經古桓州南下流入開平東南流逕遷安縣界至盧龍縣漆河西南流來注之又南至樂亭縣界入于海 大清一統志欒河在遵化州東七十

里源出獨石口外流經承德州界會諸水入邊又東南入  
水平府遷安縣界卽古濡水也 殿板漢書考證齊名南  
白按水經注引此文云濡水是古本作濡字也然師古曰  
洫音呼鵠反則唐初本已作洫字矣 漢書考異按水經  
注作濡水不知何時譌濡爲洫師古不能正也漢之  
縣在今古北口外深水所經濡灤古今字別無洫水之名  
按洫當濡作濡水卽遼西肥如之水今之灤河也水經  
注濡水篇引本志亦作濡水而不別出洫水可知卽濡水  
矣

滑鹽

應劭曰明帝更名鹽 水經注大榆河東南逕舊漁陽郡

之——城南——明帝改曰鹽曰右承治世謂之斛鹽城  
西北去禦夷鎮二百里 括地志——地宜五穀有鹽池  
之利 方輿紀要——廢縣在今薊州平谷縣西北 又  
云歐陽修五代史曰漢城在炭山東南灤河上有鹽鐵之  
利卽漢——縣其地可植五穀阿保機率漢人耕種爲活  
城郭邑屋廛市如幽州制度漢人安之故曰漢城宋白續  
通典曰漢城在檀州西北五百五十里城北有龍門山山  
北有炭山炭山之西卽是契丹室韋二界相連之地其地  
在灤河土源有鹽治之和卽後魏——縣也按——本漢  
縣屬漁陽郡後魏志無之宋氏誤矣今大寧以東皆海北  
平遼西二郡地其地肥饒宜五穀有鹽浹鹽塲所謂漢城

亦槩言之耳 一統志——廢縣在今承德府西南 按  
應劭曰明帝更名鹽據水經注脫一田字承與丞通蓋鹽  
官也

莽曰匡德

程